

GWASANAETHAU IACHÁU **HEALING SERVICES**


THE CHURCH IN WALES

YR EGLWYS YNG NGHYMURU



Healing Services
Gwasanaethau Iacháu

Yr Eglwys yng Nghymru
The Church in Wales



Gwasanaethau Iacháu

GWASANAETHAU IACHÁU – STRWYTHUR

Fel rheol, ni ddylai Gwasanaethau Iacháu gymryd lle prif wasanaeth y Sul.

*Nodir â * eitemau y gellir eu hepgor.*

STRWYTHUR (PAN WEINYDDIR Y CYMUN BENDIGAID)

1 DYFOD YNGHYD

Cyfarchiad
*Gweddi
Edifeirwch
*Gloria
Colect

2 CYHOEDDI'R GAIR

Darlleniad o'r Hen Destament
Salm
Darlleniad o'r Testament Newydd
Efengyl
Pregeth

3 YR YMBILIAD

Litani Iacháu neu ymbiliau addas eraill

4 ARDDODI DWYLO AC ENEINIO

Arddodi Dwylo ar y rhai nad ydynt i'w heneinio
Gweddi o ddiolchgarwch uwchben yr olew
Arddodi Dwylo ar y rhai sydd i'w heneinio
Eneinio
Y Tangnefedd

5 Y DIOLCH

6 Y CYMUN

7 YR ANFON ALLAN

Y Fendith
Yr Anfon Allan

Gwasanaethau Iacháu

STRWYTHUR

(PAN NA WEINYDDIR Y CYMUN BENDIGAID)

1 DYFOD YNGHYD

Cyfarchiad

*Gweddi

Edifeirwch

*Gloria

Colect

2 CYHOEDDI'R GAIR

Un darlenniad neu fwy o'r Ysgrythur Lân
Pregeth

3 YR YMBILIAD

Litani Iacháu neu ymbiliau addas eraill
Gweddi'r Arglwydd

4 ARDDODI DWYLO AC ENEINIO

Arddodi Dwylo ar y rhai nad ydynt i'w heneinio
Gweddi o ddiolchgarwch uwchben yr olew
Arddodi Dwylo ar y rhai sydd i'w heneinio
Eneinio
*Y Tangnefedd

5 YR ANFON ALLAN

Y Fendith

Yr Anfon Allan,

y Gras *neu* ddiwedd priodol arall

NODIADAU A THESTUNAU DETHOL

1 Y DOD YNGHYD

Ar ôl y cyfarchiad, gall y llywydd gyflwyno'r gwasanaeth yn y geiriau a ganlyn neu mewn geiriau addas eraill

Dangosodd ein Harglwydd Iesu Grist drugaredd i'r claf o gorff, meddwl ac ysbryd, trwy faddau iddynt eu pechodau, iacháu eu llesgedd a'u hadfer i gyflawnder bywyd. Trwy glwyfau Crist fe'n hiachawyd ni; trwy ei ddiodefaint a'i atgyfodiad gorchfygodd ddiodefaint a marwolaeth a rhoi inni addewid bywyd tragwyddol. Y mae Sant Paul yn ein hatgoffa ein bod yn amddifad o ogoniant Duw oherwydd inni ddifwyno ei ddelw arnom trwy bechod, ond yn ei drugaredd cariadus y mae Duw yn ein hadfer trwy ei ras wedi ein cyfiawnhau trwy ffydd.

Mewn ufudd-dod ffyddlon, y mae'r Eglwys yn rhannu'r weinidogaeth hon o adfer ac iacháu. Yng ngrym yr Ysbryd Glân, daeth yr Apostolion â chysur ac iachâd i rai dioddefus trwy weddïo, arddodi dwylo ac eneinio yn enw'r Arglwydd. Ymddiriedwyd hyn i ni hyd oni ddaw Crist drachefn ac ni bydd marw mwyach, na galaru nac wylo na phoen. Mewn diogel obaith am y greadigaeth newydd yng Nghrist deurn â'n gweddïau a'n hedifeirwch gerbron Duw, gan ofyn iddo am yr iachâd, y cymod a'r tangnefedd a berthyn i fywyd ei Deyrnas.

Gellir hepgor y gweddïau yn Trefn ar gyfer y Cymun Bendigaid 2004 sy'n dechrau â'r geiriau Dad y Gogoniant a Dad nefol.

Gwasanaethau Iacháu

Gellir defnyddio'r Kyrie estynedig a ganlyn.

Arglwydd Iesu, yr wyt yn iacháu'r claf: Arglwydd, trugarha.

Arglwydd, trugarha.

Arglwydd Iesu, yr wyt yn maddau i bechaduriaid: Crist, trugarha.

Crist, trugarha.

Arglwydd Iesu, yr wyt yn dy roddi dy hun i'n hiacháu a'n cryfhau: Arglwydd, trugarha.

Arglwydd, trugarha.

Gellir defnyddio un o'r colectau allan o'r Weinidogaeth i'r Claf yn Trefn ar gyfer y Cymun Bendigaid neu'r colect a ganlyn.

Hollalluog Dduw,
a roddaist i ni, trwy atgyfodiad dy Fab,
fuddugoliaeth dros ddiodefaint a marwolaeth,
tywallt dy Ysbryd Glân ar dy bobl,
fel, a ninnau'n gryf ein ffydd a'n gobraith,
yr adferer ni ar dy ddelw ac yr adlewyrchom dy
ogoniant;
trwy Iesu Grist, dy Fab, ein Harglwydd,
sy'n fyw ac yn teyrnasu gyda thi
yn undod yr Ysbryd Glân,
yn un Duw, yn awr a byth. **Amen.**

2 CYHOEDDI'R GAIR

*Dylid dewis darlleniadau addas allan o Atodiad 8
Gweinidogaeth i'r Claf.*

*Os gweinyddir y Cymun Bendigaid, dylid darllen o leiaf
ddau ddarlleniad, a dylai'r ail fod o'r Efengylau.*

Onid oes Cymun Bendigaid, dylid bod o leiaf un darlleniad.

3 YR YMBILIAD

Gellir defnyddio'r Litani Iacháu a ganlyn. Gellir cynnwys erfyniadau ychwanegol, yn cynnwys enwau.

Dduw Dad,
Trugarha wrthym.

Dduw Fab,
Trugarha wrthym.

Dduw Ysbryd Glân,
Trugarha wrthym.

Y Drindod sanctaidd a bendigaidd,
Trugarha wrthym ac achub ni.

Dros bawb sy'n ddiweddefus o gorff,
Clyw ein gweddi, Arglwydd da.

Dros bawb sy'n ofidus mewn meddwl neu
ysbryd,
Clyw ein gweddi, Arglwydd da.

Dros bawb a lethwyd gan bechod,
Clyw ein gweddi, Arglwydd da.

Dros bawb ohonom sy'n amddifad o'th ogoniant,
Clyw ein gweddi ac achub ni.

Am nerth i ddyfalbarhau,
Clyw ein gweddi, Arglwydd da.

Am obaith i'n cynnal,
Clyw ein gweddi, Arglwydd da.

Gwasanaethau Iacháu

Am ras yr Ysbryd Glân,
Clyw ein gweddi, Arglwydd da.

Dros a phawb ohonom sydd yma,
Clyw ein gweddi ac achub ni.

Yn dy gariad mawr edrych mewn trugaredd ar dy
bobl,
Clyw ein gweddiâu, maddau ein pechodau a
dwg ni i fywyd tragwyddol.
Arglwydd, clyw ni a thrugarha.

*Oni weinyddir y Cymun Bendigaid, dywedir Gweddï'r
Arglwydd yn syth ar ôl yr Ymbiliad.*

Gwasanaethau Iacháu

4 ARDDODI DWYLO AC ENEINIO

Os arddodir dwylo yn unig, defnyddier Adran A.

Os arddodir dwylo ac eneinio, defnyddier Adran B.

A. Arddodi Dwylo

Defnyddir y geiriau a ganlyn, neu cedwir distawrwydd.

E, yn enw Duw Dad, rhyddhaer di o’th ddiodefaint ac adferer dy iechyd yn unol â’i ewyllys sanctaidd.

Yn enw Duw Fab, llanwer di â bywyd newydd.

Yn enw Duw Ysbryd Glân, iachaer di oddi mewn a bydded iti dderbyn y tangnefedd sydd uwchlaw pob deall. **Amen.**

B. Arddodi Dwylo ac Eneinio

Deuir ag olew i’r llywydd.

Os yw’r olew i gael ei fendithio, defnyddia’r llywydd y geiriau hyn

Dad nefol, rhoddwr iechyd ac iachawdwriaeth, anfon dy Ysbryd Glân ar yr olew hwn fel, megis yr eneiniodd dy sanctaidd apostolion lawer a oedd yn glaf a’u hiacháu, y cyfanner pawb sydd mewn ffydd ac edifeirwch yn derbyn yr eneiniaid sanctaidd hwn, a’u hadfer, os dyna dy ewyllys di, i iechyd, yn enw Iesu Grist, ein Gwaredwr a’n Prynwr. **Amen.**

Gwasanaethau Iacháu

Os bendithiwyd yr olew eisoës, dywed y llywydd

Gweddïwn

Bendigedig fyddo Duw Dad,
a anfonodd ei Fab i iacháu'r cenhedloedd.
Bendigedig fyddo Duw am byth.

Bendigedig fyddo Crist ein Harglwydd,
a iachaodd y cleifion a'n gwared o bechod.
Bendigedig fyddo Duw am byth.

Bendigedig fyddo'r Ysbryd Glân,
sy'n ein heneinio'n wastadol â gras a grym.
Bendigedig fyddo Duw am byth.

Dduw bendigaid, Drindod sanctaidd,
Edrych yn drugarog ar dy weision sydd i'w heneinio;
cysura hwy, a dyro iddynt ryddhad.
**Dduw sanctaidd, sanctaidd a chryf, sanctaidd ac
anfarwol,
Trugarha wrthym.**

*Y mae'r rhai sydd i'w heneinio yn derbyn yn awr yr arddodiad
dwylo*

E, yn enw Duw Dad, rhyddhaer di o'th ddioddefaint ac
adferer dy iechyd yn unol â'i ewyllys sanctaidd.
Amen.

Gwasanaethau Iacháu

*Y mae'r offeiriad yn eneinio pob un ar y talcen a'r ddwy law,
gan ddweud*

Megis yr eneiwn di oddi allan â'r olew sanctaidd hwn,
eneinied felly ein Tad nefol di oddi mewn
â dawn yr Ysbryd Glân,
fel yr iachaer di o bob llesgedd
corff, meddwl ac ysbryd.
Cysured y Tad trugarog di,
rhodded i ti hyder yn ei drugaredd
a'th gadw bob amser yn ei dangnefedd a'i ddiogelwch,
trwy Iesu Grist ein Harglwydd. **Amen.**

*Os gweinyddir y Cymun Bendigaid, rhennir y Tangnefedd. Oni
weinyddir y Cymun, gellir ei hepgor.*

*Gellir cyflwyno'r Tangnefedd â brawddeg briodol. Y mae
brawddegau 5, 9, 11, 12, 17, 18, 19 a 22 yn
Cymun Bendigaid 2004 i gyd yn addas i'w defnyddio mewn
Gwasanaethau Iacháu.*

5 Y DIOLCH

Defnyddir Rhaglith 31 yn Cymun Bendigaid 2004.

6 Y CYMUN

7 YR ANFON ALLAN

Os gweinyddwyd y Cymun Bendigaid, gellir defnyddio un o'r gweddiâu ôl-gymun yn y Weinidogaeth i'r Claf yn Trefn ar gyfer y Cymun Bendigaid. Yna, bydd y gwasanaeth yn diweddu gyda'r Fendith a'r Anfon Allan.

Oni weinyddwyd y Cymun Bendigaid, bydd y gwasanaeth yn diweddu gyda'r Fendith a'r Anfon Allan, y Gras neu ddiwedd arall addas.

Defnyddir y fendith a ganlyn, neu fendith arall briodol.

Bydded i dangnefedd Duw sydd uwchlaw pob deall gadw eich calonnau yng ngwybodaeth a chariad Duw, a'i Fab Iesu Grist: a bendith Duw hollalluog, y Tad, y Mab a'r Ysbryd Glân, a fo yn eich plith ac a drigo gyda chwi yn wastad. **Amen.**

Neu

Bydded i Dduw'r trugaredd dy amgylchynu â'i gariad.
Amen.

Bydded croes Crist yn arwydd iti o fuddugoliaeth.
Amen.

Bydded i'r Ysbryd Glân dy eneinio'n wastadol â gras iachael.
Amen.


Bydded i Dduw, Dad, Mab ac Ysbryd Glân, dy gadw a'th gynnal yn awr a phob amser.
Amen.

© Church in Wales Publications 2008 -Gwasg Yr Eglwys yng Nghymru 2008
Caerdydd - Cardiff.

First published July 2008. All rights reserved. No part of this publication may
be reproduced in any form or format without prior consent of the Church in
Wales.

Cyhoeddwyd yn gyntaf ym mis Gorffennaf 2008. Cedwir pob hawl.

Ni ellir atgynhyrchu unrhyw ran o'r cyhoeddiad hwn na fformat heb ganiatâd
yr Eglwys yng Nghymru.

Printed on recycled materials 



Price: £5.00
printed by/argraffwyd gan
Church in Wales Publications/Gwasg yr Eglwys yng Nghymru